

۱۔ وزیر اعلیٰ عمر عبداللہ نے پیرا تیر انداز شیتل دیوی نانہہ عالمی پیرا تیر اندازی مقابلہ گا تیجہ مرحلہ مانہہ سونا گؤ تمگؤ حاصل کرن ور مبارک باد پیش کی ہے۔

۲۔ نائب وزیر اعلیٰ سریندر کمار چودھری نے سرینگر مانہہ 3 روزہ کشمیر ایکسپو 2026 غو افتتاح کیو۔

۳۔ جموں کشمیر غا پیشہ وارانہ ، داخلہ امتحانی بورڈ یعنی بی او پی ای ای، دہشت گردی توں متاثرین گنباں گا بچاں واسطے 4 ایم بی بی ایس نشستیں واسطے آف لائن درخواست طلب کی ہیں۔

۴۔ جموں کشمیر غی جائیداد گا شعبہ نے جائیداداں غی خرید۔ و فروخت گا تحفظ خاطر ویب سائیٹ ور جی آئی ایس میپ جیسی سہولت نانہہ لاگو کیو ہے۔

۵۔ قومی امتحانی ایجنسی این ٹی اے نے یو جی سی نیٹ جون 2026 غا دوبارہ لیا گیا امتحان، جن مانہہ انگریزی ، کامرس تے سوشیالوجی گا امتحان غی آنسر کی نانہہ جاری کردتو ہے۔

وزیر اعلیٰ عمر عبداللہ نے پیرا تیر انداز شیتل دیوی نانہہ عالمی پیرا تیر اندازی گا تیجہ مرحلہ مانہہ سونا گؤ تمگو جتن ور مبارک باد پیش کی ہے تے کہیو جے شیتل ور، نہ صرف جموں کشمیر بلکہ پورا ملک نانہہ فخر ہے، جناب عمر نے ایکس ور ایک پیغام غے ذریعے کہیو جے شیتل دیوی نے خواتین بارے کمپاؤنڈ انفرادی مقابلہ مانہہ سونا غو تمغو حاصل کرغے تے کمپاؤنڈ مقابلہ مانہہ کانسہ غو تمغو حاصل کرغے پوری قوم غو سر فخر سنگ بلند کیو ہے۔ اُنہاں نے اپنی نیک خواہشات ظاہر کرتا واں شیتل دیوی غا درخشاں مستقبل واسطے وی دُعا کی۔ قابل ذکر ہے جے 19 سالہ شیتل دیوی جموں کشمیر غا ضلع کشتواڑ غی رہن آلی ہیں ۔ جنہاں نے احمد آباد اندر عالمی تیر اندازی مقابلہ مانہہ سونا غو تمغو حاصل کیو ہے۔

جموں کشمیر مانہ تجارت گا بابدہ بارے تنظیم نے محکمہ صنعت تے تجارت سنگ سانجہ طور کشمیر ایکسپو 2026 یعنی اشیائ غی نمائش گو انعقاد کیو۔ یاہ نمائش 12 ستمبر توڑی جاری رے غی ۔ جس گو موضوع دستکاری ثقافت تے بکھ بکھ پکواناں غے ذریعے کشمیر گا ورثہ نانہ فروغ دینو ہے۔ سرینگر غی زبروان پارک مانہ منعقد اس نمائش غو افتتاح نائب وزیر اعلیٰ سریندر کمار چودھری نے کیو۔ اس نمائش مانہ کاری گراں دستکاراں تاجراں تے کاروباری افراد نانہ اپنی مصنوعات تے ثقافتی ورثہ نانہ پیش کرن غو موقعو فراہم کیو جاریمو ہے۔ اس موقع وں بولتا واں نائب وزیر اعلیٰ سریندر کمار چودھری نے اس طرح کہیمو-----

جموں کشمیر غی جائیداد گا شعبہ غی نگرانی اتھارٹی تے شفافیت نانہ بابدو دین تے کہہ خریدن آلاں گا تحفط واسطے اپنی سرکاری ویب پورٹل نانہ مزید بہتر کیو ہے۔ پورٹل ور روح بروح ہون بارے جی آئی ایس میپنگ ٹول تے غیر درجہ شدہ منصوباں غی آن لائن شکایت گی سہولت وی شامل کی ہے۔ اس ڈیجیٹل سدھار سنگ عوام میپ غے ذریعے غیر اندراج شدہ جائیداد نانہ آسانی سنگ دیکھ سکے غی۔ اس پہل غو مقصد غیر مجاز جائیدادی منصوباں ور روک لانی تے تصدیق شدہ جائیداد غی معلومات فراہم کرنی ہے۔ اس

ضمن مانہ صارفین ویب سائٹ ور ویو آن میپ آپشن غے ذریعے معلومات تے فائدو حاصل کرسکیں۔

NTA ANS KEYS

نیشنل ٹیسٹنگ ایجنسی ، این ٹی اے نے یو جی سی نیٹ جون 2026 غا انگریزی، کامرس تے سوشیالوجی غا دوبارہ لیا گیا امتحانات غی عارضی جواب جاری کیا ہیں۔ اُمیدوار اس مہینہ غی 13 تاریخ توڑی سرکاری یو جی سی نیٹ پورٹل غے ذریعے آن لائن جواب نانہ چلینج کرسکیں۔ این ٹی اے نے انگریزی ، کامرس تے سوشیالوجی غا ترے پرچاں غا دوبارہ امتحان گو اعلان ، اُن پرچاں مانہ کئی غلطیاں غی شکایات تیں بعد کیو تھو۔انگریزی تے کامرش گا پرچہ 9 ستمبر تے سوشیالوجی غا پرچہ ، گزشتہ روز منعقد کیا تھا۔

AMBA YAGYA

جموں مانہ 6 تیں 15 فروری 2027 توڑی عظیم الشان امبا یگیہ گو انعقاد کیو جے غو۔اس گو اعلان اج جیون نگر جموں گا بردیپ آشرم مانہ منعقد ایک پریس کانفرنس غے دوران سوامی بردیانتد گری جی مہاراج تے سنت سماج غا ارکان غی موجودگی مانہ کیو گیو۔اس موقع ور آئیندہ امبا یگیہ گا پوسٹر وی جاری کیا گیا۔ پروگرام مانہ جموں ، ریاسی لوک سبھا حلقہ گا رُکن پارلیمان جوگل کشور شرما وی موجود تھا۔ دس روزہ مزہبی پروگرام گو آغاز کلش یاترا تیں وے گو ، جس مانہ تقریباً 11 ہزار خواتین دیوی غی نمائندگی کرتا واں شرکت کریں گی۔ اس بارے مزید جانکاری دیتا واں سوامی بردیانتد گری جی مہاراج نے اس طرح کہیو۔-----

TABLE TENNIS POONCH

کھیڈ کود بارے محکمہ پونچھ نے اج بکھ بکھ ضلّی سطح ور ٹیبل ٹنس مقابلہ گو انعقاد کیو۔ جس مانہ جموں ڈویزن گا 9 ضلعان گا بکھ بکھ افراد نے اپنی شاندار کارناما تے بُنر مند نانہ ظاہر کیو۔ اس موقع ور ضلع ترقیاتی کمشنر پونچھ اشوک کمار شرما اُت مہمان خصوصی تھا۔ اجلاس سنگ خطاب کرتا واں اُنہاں نے محکمہ غی اس کاوش نانہ سہرا تاں واں اس طرح کہیو۔-----

WEATHER

محکمہ موسمیات غے مطابق پلک توڑی جموں کشمیر مانہ موسم زیادہ تر خشک رہن غا امکان ہیں ، تاہم بعض مقامات ور بارش بوسکے۔ 13 تیں 16 ستمبر توڑی چند مقامات ور گرج چمک سنگ مختصر بارش تے بونداباندی متوقع ہے، خاص طور ور سویرے تے تہاڑی غے وقت۔ 17 تیں 20 ستمبر توڑی موسم زیادہ تر خشک رہن گا امکان ہیں ، تاہم الگ تھلگ مقامات ور مختصر بارش بوسکے۔ محکمہ موسمیات نے کساناں نانہ مشورو دتو ہے کہ وہ آن آلا دنان غا موسم نانہ، مد نظر رکھتا واں سیب تے دھان غی فصل غی کٹائی گو کم جاری رکھیں۔
